

四庫全書

子部

欽定四庫全書

子部

唐開元占經卷二十七至
二十一

詳校官中書_臣李采

靈臺郎_臣倪廷梅覆勘

總校官編修_臣王燕緒

校對官庶吉士_臣潘曾起

謄錄監生_臣任鑑

欽定四庫全書

唐開元占經卷十七

瞿曇悉達撰

月占七

候月蝕一

京氏曰月生三日無光魄其必蝕
京房易飛候曰孟

月六日而暈月蝕仲月七日暈月蝕季月八日暈其月

蝕
易緯萌氣樞曰候月盡蝕視水中不見影者月盡

蝕

月薄蝕二

帝覽嬉曰月赤黃無光曰薄毀傷曰蝕皆不祥善惡各有為其國 京房易傳曰日月不交而蝕曰薄 孟康曰日月無光曰薄 易豐卦曰月盈則食釋名曰日月虧曰蝕稍侵虧如蟲食草木葉也 詩曰彼月而食則惟其常此日而食于何不藏 班固天文志曰古人有言曰天下太平五星循度無有逆行者日不蝕朔月不

蝕望 王充論衡曰王者有至德之萌日月無朔望之

異

異謂蝕之

京氏占曰月與日相衝分天下之半循於黃

道烏兔相冲光盛威重數盈理極危亡之災一時頓盡

遂使太陽奪其光華闇虛虧其體質小潛則小虧大驕

則大滅此理數之常然也 洛書曰日月蝕當用兵擊

之若安居日月蝕不可出軍日蝕之歲不可出軍月蝕

之月不可出軍 甘氏曰無道之國日月過之薄蝕兵

之所攻國家壞亡又以有喪 洪範傳曰人君失序國

不明臣下瞽亂羣陰蔽陽則日月薄蝕闇昧無光四方
躋起背瑤縱橫賊亂交爭兵革並行 春秋緯考異郵

曰麟龍關日月蝕

按淮南鴻烈曰麒麟關則日月蝕之

河圖帝覽嬉日月

薄所宿國主疾

春秋緯感精符曰臣下大怒橫則日

月薄蝕

石氏占曰月蝕其鄉有拔邑大戰 石氏占

曰師出門而月蝕當其國之野大敗一曰軍死而後生

石氏占曰月蝕三日有雨事解不占一云七日

其雨及雪

必須普霽如微不解

雒書雒罪級日月蝕既不吉刑法失命

荊州占曰謀臣以直死月為之數蝕 帝覽嬉曰月蝕所宿國貴人死用兵者從月蝕之面攻城取地日亦然 荊州占曰日月蝕當其國君王死又攻戰從蝕所擊之者勝 尚書緯刑德放曰當赦而不赦月為之蝕董仲舒對災異曰臣行刑罰執法不得其中怨氣盛并濫及良善則月蝕 河圖帝覽嬉曰月蝕所宿國貴人死又曰其鄉有拔邑大戰 易緯通卦驗曰月蝕則糴貴故月蝕則正臣下之刑 詩緯推度災日月蝕大臣

刑京房災異對曰月蝕者人君行適過時專受所致也不救則致水害壞城荊州占曰月蝕則失刑之國當之京房易侯曰月蝕失刑所宿之國當之帝覽嬉曰兵常在內而月蝕其國受殃又曰兵未起而月蝕所當之國起兵戰不勝京房易飛侯曰月當交而蝕君子道長小人道消夏氏曰月蝕出軍軍折傷後有失帝覽嬉曰月滿而蝕兩軍相當必戰無軍兵必出將死於野

月蝕早晚三

帝覽嬉曰月蝕以晨相及太子當之以夕君當之

月蝕所起方四

荊州占曰月蝕起南方男子惡之起北方女子惡之起東方少者惡之起西方老者惡之帝覽嬉曰月未望而蝕從上始而盡無光天子坐之帝覽嬉曰月蝕東方其月中有惡風月蝕西方主人為客帝覽嬉曰月蝕從上始謂之失道國君當之從下始謂之失法將軍

當之從傍始謂之失令相當之又曰從上始為君親從下始為赤子蝕其陰為女蝕

月蝕既及中分五

帝覽嬉曰月蝕盡女主當之 荊州占曰月盡蝕當其下者君死一曰有死相 河圖帝覽嬉曰有軍在外而月蝕盡者軍罷帥 荊州占曰月蝕盡有大戰軍破將死拔邑亡地蝕不盡軍破將不死 京房妖占曰以十五日蝕而盡此謂毀亡其君有喪若水 京房易飛候

日月蝕盡則有亡國不盡有失地 荊州占日月蝕盡
大人憂又曰糴貴又曰豪族滅勢家絕 石氏日月蝕
不盡光耀散臣之象 石氏日月蝕盡光耀亡君之殃
刑德放曰五刑當輕反重虐酷忽月蝕消既行失繩
墨大水淫枯旱其救之也惟敬五刑以成三德 石氏
日月蝕中分不出五年國有憂兵敗軍亡

月蝕變色六

荊州占日月蝕青色人民多死者五穀有傷糴且大貴

望以下賤皆不出一年各為其國災月蝕赤色者君為
客不出其年月蝕黃色者不出其年有立諸侯為國者
月蝕白色其國失地若有喪 荊州占曰月蝕盡者糴
貴各為國月已蝕而青者為憂月已蝕而赤者為兵月
已蝕而黃者為財月已蝕而白者為喪月已蝕而黑者
為水

蕭子顯齊書曰永泰元年正月乙亥月蝕
色赤如血二日而大司馬王敬則舉兵反

月蝕而暈鬬月並蝕七

京房易飛候曰月暈蝕殃祥得其日者吉得其時者凶

石氏曰月蝕而暈其國君主惡之 荊州占曰月暈而蝕人相食 石氏曰月闕薄而蝕有軍必戰無兵兵起 石氏曰兩月並蝕天下大亂

月蝕雲氣入月中又有風雨八

荊州占曰月蝕有氣從外來入月中主人凶氣從中出客凶氣南行南軍凶北東西者亦然

月一月再蝕九

帝覽嬉曰軍在外一月而再蝕將還兵其國戰不勝

月未望而蝕十

石氏曰月生三日而蝕盡是謂大殃國有喪 甘氏曰

曰月生十日至十四日而蝕天下兵起

如望在十
四依垣占

石

氏曰十五日而蝕國破滅亡

如望在十
五亦然

月四時蝕十一

京氏曰月春蝕歲惡將軍死一曰有憂夏蝕旱憂穀秋
蝕羌兵起冬蝕其國飢有女喪 京房易候曰月春蝕
有憂夏蝕有兵起民無有一月糧糴貴 荊州占曰孟

春月蝕賤人當之仲春蝕貴人當之季春蝕人主當之
帝覽嬉曰月春蝕東方王死之夏蝕南方王死之季
夏蝕中央王死之秋蝕西方王死之冬蝕北方王死之
國以謀亡 荊州占曰月夏蝕南方歲飢秋蝕西方兵
起

月十二月蝕十二

荊州占曰正月蝕有灾異蟲一曰燕受灾期在七月
之後 帝覽嬉曰正月月蝕賤人病糴石二千二

月月蝕貴人病糴石二千 三月月蝕人主當
之糴石四千 四月月蝕人主當之 五月月
蝕年飢 六月月蝕赤地千里 七月月蝕有兵
八月月蝕兵罷 九月月蝕年飢 一曰有戰 十月
月蝕藏穀一曰起軍 十一月月蝕有喪兵圍城破
軍殺將十二月月蝕不盡是謂當其數不占 荊州
占曰正月月蝕歲災上旬蝕旱中旬蝕蟲下旬蝕賤人死
荊州占曰十二月月蝕吳國受災期六月一曰有流民

盡乃以日辰占其野 荊州占曰十二月月蝕來年國
有大事小兵起

月十干蝕十三

洛書曰月以甲乙日蝕年多魚丙丁日蝕年飢

一曰年穀收

戊己日蝕無耕下田庚辛日蝕高田不入凶壬癸蝕其
歲和美 司馬遷天官書曰月蝕甲乙四海之外不占
丙丁淮海岱也戊己中州河濟也庚辛華山以南壬癸
恒山以北月蝕皆將軍當之

月東南西南方蝕十四

荊州占曰蝕辰巳地來年麥傷春蟲蝕午未地禾稼少
實麥夏傷

月行五星暈而蝕十五

甘氏曰月行宿歲星而蝕民相食粟石千文司農憂

荊州占曰月暈歲星而蝕天下大戰 甘氏曰月行宿

熒惑而蝕天下破亡有憂期不出三年 荊州占曰月

犯熒惑暈而蝕天下破亡失地大將有憂期不出三年

帝覽嬉曰月犯熒惑暈而蝕天下破軍亡地大將有
憂蝕盡者主位也不盡者大臣位也近期三月遠期三
年 甘氏曰月行宿填星而蝕其國以伐饑亡 巫咸
占曰月當填星而蝕其國有土功之事 甘氏曰月行
宿太白而蝕強國戰不勝亡城大將有兩心不出三年
荊州占曰月宿太白暈而蝕其國有強兵若戰而亡
甘氏曰月行宿辰星而蝕其國有女亂而亡國期三
年若五年

月在東方七宿而蝕十六

石氏曰月蝕在角亢刑法之臣有當黜者 黃帝占曰
月入角而蝕將吏有憂國門四閉其邦凶 陳卓曰月
蝕於角其君死 甘氏曰月在亢中蝕其君邦有憂
黃帝占曰蝕在氐中天子憂疾一曰妃后憂疾 石氏
曰月在氐中蝕大臣死后惡之一曰后宮惡之王者復
禮以赦除之 荊州占曰在氐房蝕王治耕之臣當有
黜者 石氏曰月在房而蝕公卿大夫有憂當有黜者

石氏曰月在房蝕王者有憂皆亂大臣專政必有憂
病京氏妖占曰月蝕于房天子有喪 郝萌曰月蝕
房心間人主有兵害 石氏曰月在心蝕人主惡之太
子庶子有憂三公有死者 郝萌曰月蝕心臣伐主內
亂 荊州占曰月在心蝕三公諸侯有當黜者 甘氏
曰月蝕尾箕后族有刑罪若御妾有坐者后有憂 石
氏曰月在尾箕而蝕主御者及樂人有當黜者 郝氏
曰月蝕於箕為風一曰車騎發 陳卓曰月宿箕而蝕

人相食

月在北方七宿而蝕十七

甘氏曰月在南斗而蝕將相有憂飢凶 甘氏曰月入
牽牛度而蝕其國叛兵起 甘氏曰月在須女而蝕邦
有女王憂天下女功廢 郝萌曰月在須女而蝕宮中
有巫呪詛禱祝以求幸有當黜者 黃帝占曰月蝕在
虛而蝕邦有崩喪天下改服期九十日 郝萌曰月蝕
虛危民多去其室一曰大戰 郝萌曰月在虛危而蝕

主刀劍衣履金玉之臣有當黜者 甘氏曰月蝕危不
有崩喪必有大臣薨天下改服 石氏曰月在危而蝕
刀劍之官憂一曰月在虛危而蝕戒在衣履金玉之臣
有黜者一曰必有驚恐之事 石氏曰月蝕危不有病
主必有大喪天下改服 甘氏曰月在營室而蝕為軍
族士衆之潰 石氏曰月蝕營室大軍絕糧 郝萌曰
月在營室而蝕陰道毀不能化生有黜削之罪 玄冥
占曰月在東壁而蝕大臣有戮文章者執

月在西方七宿而蝕十八

石氏曰月在奎而蝕有大臣憂削凶期九十日 石氏

曰月食奎度中魯國凶一曰邦君不安白衣之會 郝

萌占曰月在奎而蝕主邊兵之臣有當黜者 海中占

曰月蝕於奎大將軍有謀 石氏曰月在奎婁而蝕主

聚斂之臣有黜者 甘氏曰月蝕婁皇后犯危大臣受

誅 海中占曰月蝕婁其國有王事 郝萌曰月宿婁

而蝕人相食 黃帝占曰月在胃而蝕王者相吞食大

邑亡主大將亡軍一曰委轄之臣有罪 甘氏曰月在
胃而蝕皇后有憂一曰虐吏憂 郝萌曰月在胃而蝕
人相食 石氏曰月在昴而蝕大臣貴女失職 郝萌
曰月在昴而蝕人相食 郝萌曰月在昴畢而蝕天下
聚又曰主獄之臣有黜者 甘氏曰月蝕在畢有邊使
者凶若邊國有臣誅不出一年 京房妖占曰月蝕於
畢天下有小兵 郝萌曰月宿畢而蝕人相食 郝萌
曰月在觜參而蝕主兵之臣當黜之 甘氏曰月在觜

蝕主殺臣 石氏曰月在參而蝕旱赤地千里人民飢
甘氏曰月在參而蝕貴臣誅大飢人相食一曰貴臣
謀海中占曰月蝕於參兵在外大將死其國有憂天
下更令

月在南方七宿而蝕十九

石氏曰月在井鬼而蝕主人主五祠之官憂 甘氏曰
月在東井而蝕大臣誅一曰大臣謀皇后不安五穀不
登 陳卓曰月在東井而蝕其國內亂 甘氏曰月在

與鬼而蝕廢貴臣后有憂天下不安期一年遠三年

石氏曰月在柳而蝕大臣有黜者 甘氏曰月在柳而

蝕主虞水官有當黜者 郝萌曰月宿注而蝕人相食

注者柳之別名

甘氏曰月在七星而蝕正陽虧太陰星大臣

有暴誅國大飢又曰王詞事者憂黜 郝萌曰月在七

星而蝕王道橋門戶之臣有當黜者 甘氏曰月在張

而蝕貴人失勢皇后有憂期七十日 郝萌曰月在張

而蝕人相食 甘氏曰月在張而蝕水衡虞人當有黜

者甘氏曰月在翼而蝕忠臣見譖言清正者亡不出其年 郝萌曰月在翼而蝕主車駕之臣有黜者 甘氏曰月在軫而蝕貴臣亡一曰后不安期百八十日 郝萌曰月在軫而蝕車騎發

月犯石氏中官而蝕二十

荊州占曰月在建而蝕后妃姪娣有當黜者 石氏曰月在太微而蝕有破國易王

月在石氏外官而蝕二十一

石氏曰月在弧狼而蝕王供養之官當黜者一曰食者
亡

救月蝕二十二

海中占曰月蝕王者以救除咎則安又曰月蝕清刑明

罰勅法 周禮地官司徒曰救月蝕則詔王鼓 鄭玄曰救日月

食王者必親擊鼓

禮記婚義曰婦教不修陰事不得謫見於

天月為之食是故月蝕則后素服而修六宮之職蕩天下

之陰事 星傳曰月者刑也月蝕脩刑 鄭玄曰救月蝕王必親擊鼓也

唐開元占經卷十七

欽定四庫全書

唐開元占經卷十八

唐瞿曇悉達撰

五星占一

五星所主一

春秋緯曰天有五帝五星為之使 荊州占曰五星者
五行之精也五帝之子天之使者行於列舍以司無道
之國王者施恩布德正直清虛則五星順度出入應時

天下安寧禍亂不生人君無德信姦佞退忠良遠君子
近小人則五星逆行變色出入不時揚芒角怒變為妖
星彗孛掃天狗枉矢天槍天棓攬雲格澤山崩地振
川竭雨血衆妖所出天下大亂主死國滅不可救也餘
殃不盡為飢旱疾疫 甘氏曰五星主兵太白為主五
星主穀歲星為主五星主旱熒惑為主五星主土填星
為主五星主水辰星為主五星主土以逆行為凶火以
鉤已為凶金以出入不時為凶水以不効為凶五凶並

見其年必惡 巫咸曰五星者五勝也十二辰二十八宿舍於刑德日為朱鳥月為玄武房心為青龍參為白虎常每向北斗太一審能知此萬事盡畢五星二十八舍以王時則王者之事也以相時則卿相之事以囚時則囚徒之事也以廢時則萬民之事也 五星各受制而司無道之國故審五星逆順變色留守觀其喜怒變色所加宿之左右前後遠近疏數害剋陰陽及見五氣相賊王者而救之轉禍為福宗廟可得而保社稷可得

而有 石氏五星讚曰五星更出司不祥應節守道不為殃月滿不入其事興過時不出陰謀行以星所守占其方芒角變動非其常審察五色別青黃各以事類知其殃

五星行度盈縮失行二

石氏曰五星不失行則年穀豐昌 黃帝占曰有道之國五星過之不失其行則人君吉昌萬民安寧 又曰出中道天下太平出陽道旱出陰道多雨水 動聲儀

曰五音和則五星如度 陳卓曰五星出陰道多陰謀

石氏曰五星分天之中積于東方中國大利積于西

方負海之國用兵者利 春秋緯曰五星早出為盈盈

者為客晚出為縮縮者為主入禍發其衝 考靈曜曰

天失日月遺其珠囊

珠五星也遺囊者盈縮失度也

黃帝占曰五星

不出兩河間必有不道之臣一曰必有道不通 春秋

緯曰君臣有謀心憤未言精象動於物五星錯於官

郝萌曰五星不行天門天闕間皆為有喪 五星不道

東西咸皆為必有賊 五星行往天闕不出其年有兵

五星皆逆行主且乘法臣且謀其主 石氏曰五星

行二十八舍星七寸內者及宿者其國君死 五星舍

二十八宿王者誅除其國 五星犯合宿中間星其坐

者在國中犯南為男犯北為女東為少西為老 五星

逆行去宿雖非七寸內而守之者其國君被誅刑死順

而留之疾病死 郝萌曰五星並出皆逆行不出其年

天下遣五將期五十日 巫咸曰五星受制而出司無

道之國變色而逆行犯度列宿及中官留守二十日以上皆臣殺滿六十日以上王者殺則彗茀出所過之鄉其下有亂兵故世亂感則天文變下侵上則五星逆五星逆守列宿若已去之還復居之繞環成勾已乍大乍小乍明乍晦是謂絕紀其禍愈甚海中占曰五星不當歷列宿絕列星有分國貴人有獄抵列舍其國有喪以五色占其吉凶黃為喜赤為兵白為喪蒼為憂黑為水董仲舒曰五星失行度者臣非其人賢不肖並立

臣亂於下則星錯於上進賢退不肖以救之 黃帝占
曰五星逆行變色出入不時則王者宜變俗更行起毀
宗廟立無後賑貧窮恤孤寡寬刑罰賞有功舉名士禮
賢者順天道四時發藏財物虛府庫薄賦歛則日月五
星妖孽虹彗不為禍害矣 郝萌曰五星有逆行及變
色若非其常則以聞於上各以其事脩其政

五星喜怒芒角變色冠珥三

甘氏曰凡五星同色天下偃兵百姓安寧歌舞以行不

見疾病五穀大昌 巫咸曰五星起怒犯凌留守列舍察
其守犯審其始留之日觀其時氣有與五星相賊者以
決其事視其色變以知吉凶之情又別其光芒所指以
知兵起所加之鄉芒多而短者謀而未成芒少而長者
其謀已成其氣專而上行芒從一至四是謂道極芒或
指西或指東或指其南或指其北四芒已具其下必有
亡國之主芒過四以上未可救也 凡五星之起怒芒
角四達其形未變是謂誡兵其星形變而銳上向下大

小狀如拔劍是謂成形不可救復急堅甲勵兵以待不祥海中占曰五星有三角者兵息有五角者則兵行以角多戰也甘氏曰五星反羽其下之國不可久處反羽者光芒上大下小狀如反羽也郝萌曰五星之常行刑即乘芒上銳下大色如其常及其逆行而反芒上向狀如反羽黃帝占曰無道之國五星過之即鬪狀如故炭爭流而去熒惑太白還而不離妖星數見徘徊不去如此者兵之所攻國家滅亡又以有喪考靈

耀曰五政俱失五星色明年穀不登 石氏曰熒惑色
黑填星色青太白色赤辰星色黃歲星色白者必敗熒
惑為火災填星為土功太白為兵災辰星為大水 甘
氏曰五星日月爭光臣有無道與其主爭者 巫咸曰
吉凶憂患各比色變言之將有兵金星變將有水水星
變明主聖王候而司之轉禍為福使災不來 巫咸曰
五星變色進退逆順喜怒皆與時氣相應至其象也審
明金不可以怒火之鄉木不可以怒金之鄉水不可以

怒土之鄉火不可以怒水之鄉土不可以怒木之鄉逆
順進退左右前後五星皆同法 天官書曰五星色白
圜為喪旱赤圜則中不平為兵青圜為憂水黑圜為疾
多死黃圜則吉 五星色赤角犯我城黃角地之爭白
角哭泣之聲青角有兵憂黑角則水 巫咸曰二十八
舍各有國分水旱之災皆相應故旱之歲其國火星赤
水星黑 五星守二十八宿各以其色占以其害為禍
敗歲星守木星其色白必敗熒惑守火星其色黑必敗

填星守土星其色青必敗太白守金星其色赤必敗辰
星守水星其色黃必敗 郝萌曰五星變色者太史公
以關於上上乃以修其身平政決獄寬刑罰薄賦斂去
關市之稅廢關津之禁以利宣天地之氣則以次行
孝經右祕曰五星冠珥臣下逐

五星所守列宿中外官四

甘氏曰五星犯列宿若入其國官有殃 巫咸曰五星
守木星有木異守火星有火異守土星有土異守金星

有金異屠城守水星有水異 二十八宿中外官者各有金木水火土氣五星守之禍敗皆不相賊害為吉凶以官名其事 歲星守木星熒惑守火星填星守土星太白守金星辰星守水星是為五重守并氣之象也法曰并氣者是謂重施過節則民多疾疫五穀不成災害並生一曰天下旱萬物不成 歲星守火熒惑守土填星守金太白守水辰星守木是謂五星守其子陽不施之象陽氣不足故多水災五穀不成 歲星守土熒惑

守金填星守水太白守木辰星守火是謂守所勝下
之象也法曰賦歛衆多徭役繁數下民屈竭莫之能供
故下皆惡其上則強凌弱衆暴寡故盜賊衆多兵革並
起一曰人民相惡 歲星守金熒惑守水填星守木太白
守火辰星守土是謂守所不勝上之象也法曰民臣隆
盛侵凌其上君弱臣強故姦臣賊子謀殺其王 歲星
守水熒惑守木填星守火太白守土辰星守金是謂五
星守其母陰氣不成之象法曰氣不足故旱多火災五

穀不成一曰萬物不成

卷十八

唐開元占經卷十八

欽定四庫全書

唐開元占經卷十九

唐 瞿曇悉達 撰

五星占二

五星相犯一

易坤靈圖曰王者有至德之萌則五星若連珠

鄭玄曰謂聚一

舍以德得天下之象也

郝萌曰五星俱見兵布野期不出三年

春秋緯曰帝有過失既已命絕於天則五星聚攝提

反衡亂不禁 五星聚天子窮 荊州占曰五星并聚

篡弑成 含神霧曰五緯合王更紀 海中占曰五星

若合是謂易行有德受慶改立天子乃奄有四方子孫

蕃昌無德受罰離其國家滅其宗廟百姓離去滿四方

五星皆大其事亦大五星皆小其事亦小

周將代殷五星聚于

房齊桓將霸五星聚于箕漢高祖入秦五星聚東井齊則永終侯伯本無更紀之事是五星之聚有不易行者

矣

洛書雒罪級曰五星一合不言聖起合有謨 考

異郵曰五星聚于一宿天下兵起 荊州占曰五星合

於一舍其國主應縮有德者昌無德者亡受其凶殃

五星皆聚於一舍填星在其中天下興兵 詩緯曰五

緯聚房為義者受福行惡者亡

帝王世紀曰文王在豐九州諸侯咸至五星聚

於房

海中占曰五星合亢為五穀頻不成 郝萌曰五星

聚於虛天下之君必有盟者二星則二國君五星則五

國君皆相見 考靈曜曰帝起受終五緯合軫 河圖

曰歲星帥五緯聚房青帝起 石氏曰歲星所在五星

皆從而聚于一舍其下之國可以義致天下 荊州占

曰歲星與火土金水五合同舍相去三尺以外七尺以內相守十日以上至四十日天下兩主爭國大帝易跡近期三年遠七年 運斗樞曰歲星帥五精聚于東方七宿蒼帝以仁良溫讓起皆以所舍占國 春秋緯曰

五精入牛從歲星聚用兵過亂以義得天下

班固天文志曰漢高

元年有五星聚于東井歷推之從歲星也此高皇帝受命之符故容謂張耳曰東井秦地漢王入秦五星從歲星聚當以義取天下秦王子嬰降于軹道漢王以屬吏曰賀器婦女任所取閉宮封門還軍次于灞上以候諸侯與人民約法三章人無不歸心者可謂能行義矣李奇注曰歲星得其正度其四星隨此常正行故曰從也

孟康注曰歲星先至先至為主也洪範天文星辰變占曰客有齊人甘文卿者善天文後五年高帝遂定天下

石氏曰熒惑所在五星皆從而聚于一舍其下之國可以禮致天下 運斗樞曰熒惑帥五精聚於南方七宿赤帝以寬明多智略起 黃帝曰填星與五星俱聚一舍而填星亡焉所舍之國亡填星在焉大如狼星而黃天下之兵雖合其國不亡 運斗樞曰填星帥五精聚于中央黃帝以重厚賢聖起 石氏曰填星所在五星皆從而聚于一舍其下之國可以重德致天下太白

所在五星皆從而聚于一舍其下之國可以兵致天下
天官書曰太白與五星相犯大戰出其南南國敗出
其北北國敗行疾武不行文 運斗樞曰太白帥五精
聚於西方七宿白帝以勇武誠信多節義起 河圖曰
太白帥五緯聚參白帝起 辰精帥五精聚于北方七
宿黑帝以清平靜潔通明起 春秋緯曰五星從辰星
聚北方七宿黑帝起以宿占國 河圖曰辰星帥五緯
聚營室黑帝起 石氏曰辰星所在五星皆從而聚于

一舍其下之國可以法致天下 考異郵曰四表戒五星薄天下分爭甲兵作 郝萌曰五星一相抵觸軍半破再相抵觸軍大破 五精星相薄天下大戰相去二三尺破軍殺將流血滂滂天下飢荒 春秋緯曰五星錯鬪臣挾兵上下相持 合誠圖曰五星鬪天子去一曰國昏亂憂在公侯 甘氏曰歲星熒惑填太白四星與辰星鬪皆為戰兵不在外皆為在內 郝萌曰五星鬪相貫抵觸光耀相及有兵大戰覆軍殺將 荊州占

曰五星合鬪人走馬馳九州鼎沸棄其妻兒五郡無主
夷狄為君五星相與合鬪及列宿乘凌抵觸磨靡及入
貫刺犯守勾已環繞所在之國皆有兵喪滅國之殃
石氏曰五星主司人君諸侯大臣之過五星合鬪者皆
為謀反大臣當有誅者

四星相犯二

漢天文志曰四星若合是為大湯

晉灼曰湯猶盪滌也

其君兵喪並

起君子憂小人流

按宋書曰始興九年歲填熒惑太白聚東井後歷五年至晉義熙十三年

相國劉裕入關擒姚泓于長安而秦亡

荊州占曰四星若合於一舍其

國當王有德者繁昌保有宗廟無德者喪

按宋書天文志曰晉孝懷

帝永嘉六年七月熒惑歲星填星太白聚牛女之間徘徊進退是後兩郡傾覆而元帝中興揚土是其應也安帝義熙三年二月癸亥熒惑填星太白辰星聚于奎婁從填星也奎婁魯分是時慕容超僭號於齊侵掠徐兗連歲寇掠至于淮泗姚興譙縱僭號秦蜀盧循及魏南北交侵五年高祖北殄鮮卑九年又聚東井秦分十三年高宗定關中縱脩羣山之徒皆已剪滅于是天人歸望建國舊條元熙二年受終納禪皆其徵也漢平帝元始四年星聚柳張各五日柳張三河分後有王莽赤眉之亂而光武興復于洛晉懷帝永嘉六年四星聚牛女後劉聰石勒之亂而元帝興復揚土漢獻帝初平元年四星聚心聚箕尾心豫州分後有董卓李傕暴亂

欽定四庫全書

卷八

唐開元占經

五

黃中赤眉之憂而魏武迎帝都許遂以充豫定京建安
二十二年四星又聚二十五年而魏文受禪此為四星
二聚而易行矣檀道鸞晉陽秋曰孝武太元十九年十
月癸酉太白填星熒惑辰星合于戌二十一年九月庚申

帝崩

荊州占曰四星合關閉其關梁女子運倉天下半亡

文耀鉤曰歲星與三星鬪九州謀王 郝萌曰歲星熒惑

陽也太白辰星陰也陽主中邦陰主外邦陽與陰合中外

邦相連以兵陽與陽合兵謀在國陰與陽合兵謀在外邦

熒惑在未申間太白亦出酉其出也必有令四星俱出

令大二星俱出令小不然者必有賞賜之事 荊州占曰歲

星與太白熒惑辰星同合相去三尺以外留守七日以上至二十日天下兵起國主絕嗣天下三主鼎足俱用兵必有滅國親戚內自相賊九州謀殺作兵社稷危亡宗廟毀滅期百八十日殘戮九年乃更始其守七寸以內芒角七日以上至四十日天下滅亡人民殄盡行將易紀宮殿飛流期一年災十年

火起為飛
水涌為流

石氏曰熒

惑與歲星填星太白會成勾已光不相及主以攻者不

救亂三王九侯二十一名臣爭為主更相殘賊

三星相犯三

海中占曰三星合其國外有兵喪人民數改立侯王

按班

國天文志曰孝文後六年四月乙巳水木火三合于東井是歲誅反者周殷長安市其七年六月文帝崩孝景元年七月乙丑金木水三合於張其二年三月立皇子為王淮陽汝南河間臨江長沙廣川也

班固

天文志曰三星若合是謂驚位是謂絕行

宋均曰有兵喪故曰驚位

改立故曰絕行

外有兵與喪立王

按成帝河平二年十月下旬填星在東井軒轅南端大星

尺餘歲星在其西北尺所熒惑在其西北二尺所皆從西方來填星貫與鬼先到歲星次熒惑亦貫與鬼十一月上旬歲星熒惑西去填星皆西北逆行其年十一月丁巳夜郎王歆大逆不道牂牁太守立捕殺歆三年九月

甲戌東郡莊平男子侯丹辟兄弟五人羣黨為盜攻燒
宮寺縛縣長吏盜取印綬自稱將軍三月辛卯左將軍
千秋卒右將軍史丹為左將
軍四年四月戊申梁王賀薨
司馬彪天文志曰孝獻

建安十八年秋歲星填星熒惑俱入太微逆行皆守帝
座百餘日占曰三星入太微人主改政二十五年正月
魏文帝受禪 荊州占曰三星合於一舍其國可復脩
德者強無德者受殃 三星合鬪天下動 海中占曰
熒惑填星辰星近角合鬪女子為天下害大臣殺主
郝萌曰歲星與熒惑太白鬪殺大將近環之貫之殺邊

將又歲星與熒惑填星相合與參會一舍君子過也有
亂相為水為旱為飢為土功 熒惑與歲星若與辰星
舍尾皆為用事者當之天下開牢大赦 太白與木星
填星合其國謀兵起不戰 荊州占曰歲星與太白填
星同舍相去三尺以外國有女喪有白衣會用兵不戰
相去七寸以內名曰交芒將軍與皇后為姦謀殺其君
相守七日以至四十日必成刑期百八十日國主應以
善令則無咎歲星與熒惑填星同間相去三尺以外各

留七日以上至二十日天下兵起五穀大貴人民相食
國分土地其相去七寸以內名曰交芒天下大叛弑君
父妻去其夫期百八十日 太白與歲星填星色赤為
兵黃為旱蒼為春多死亡 歲星熒惑太白三星合于
一舍其國大亂若相去一尺至三尺守之七日已上至
二十日天下皆兵 填星與太白俱入熒惑中天下且
有大謀兵 木金火三星合鬪其分國絕嗣三王鼎足
而居必有亡國內親相賊九州作亂社稷滅亡期百八

十日遠一年 太白與熒惑辰星春鬪其歲旱夏鬪不出三年主易秋鬪不留其年兵起冬鬪不出三年有女喪 司馬彪天文志曰填星與太白辰星合宿為國亡地戰不勝 火金水俱在斗有戮將若死相熒惑太白辰星俱在東井内外有兵 木金水三星合軫為白衣會也

二星相犯四

天文志曰二星合有小兵小人愁人君憂 海中占曰

二星相近者其殃大相遠者其殃小無傷 荊州占曰
二星若合其國有兵改立侯王有德者興無德者亡



唐開元占經卷十九

欽定四庫全書

唐開元占經卷二十

唐 瞿曇悉達 撰

五星占三

歲星與熒惑相犯一

郝萌曰歲星熒惑陽也太白辰星陰也陰主外邦陽主中邦陽與陰合中外邦相連以兵陽與陽合兵謀在國陰與陰合兵謀在外邦 甘氏曰歲星干熒惑為地動

熒惑干木星蟄蟲冬出動雷旱行禾不成 荊州占

曰熒惑犯歲星為戰

按宋書天文志曰晉大安三年正月熒惑犯歲星七月衛將軍陳賒

率眾奉帝伐成都六軍敗績賒擅兵逼乘輿九月士戍又攻成都于鄴鄴潰成都由是衰亡帝遷洛張方又脅如長安也

荊州占曰熒惑犯歲星冬雷鳴蟄蟲行人民驚

恐又曰熒惑當出不出謂之潛行見而近歲星出其北

天下有急出其南有謀在中 又曰歲星與熒惑接芒

於西方諸侯君臣有憂其明年春害農時與歲星會於東方日為之食不出二年宰相亂人主之計不定乍退

乍進不出三年大兵起 歲星與熒惑同舍相去三尺
以內相守七日以上至四十日其國有反臣五穀傷百
姓不安期一年 天官書曰木火合為旱為飢戰北軍
困 歲星與熒惑合柳歲星色赤兵起黃白五穀傷黑
為憂青而角亦有兵起期三十日遠期六十日 歲星
與熒惑合相守國君大憂近期二年遠期三年而發
歲星與熒惑合於宿之陽母子同鄉其國寧合於宿之
陰有兵起 歲星與熒惑合相守其國凶消十日以上

大人作亂期三年木與火合大臣匿謀有反者若主亡地其國水 司馬彪天文志曰歲星與熒惑合於虛為喪 石氏曰熒惑與攝提再合宿相不死出走 海中

占曰熒惑與木星合為內亂大臣謀主 荊州占曰熒

惑與歲星合大臣匿謀行疾兵從之戰不勝 熒惑與

歲星合同相守其分走期三年 熒惑與攝提再合有

走主謂東行合西行又合不出二年 司馬彪天文志

曰熒惑犯歲星為姦臣謀大將戮 石氏曰熒惑與歲

星合其國若水 熒惑與歲星聚於一舍熒惑在歲星
之上名曰子母同光其國日以大強留百日其國且重
德致天下在下亦然 海中占曰熒惑木星鬪有夷狄
之害有殺大將 天官書曰歲星與火合鬪者大臣弑
其君子弑其父 荊州占曰熒惑與歲星鬪其名曰讒
星不出其年強國有易相又曰為內亂 文耀鉤曰熒
惑與木鬪夷狄肆虐 荊州占曰熒惑歲星合鬪於夏
兵飢並起其分相凶不可舉兵殃大將一曰有病君

歲星食熒惑不出三年而國亡 海中占曰熒惑貫歲
星殺小將 石氏曰熒惑與歲星相拂天下有爭言
漢天文志曰熒惑與木鬪有病君民飢歲惡 荊州占
曰熒惑守歲星大赦

歲星與填星相犯二

石氏曰地侯雌雄所出之宿國亡地所入之宿國得地
地侯為雌歲星為雄 郝萌曰填星干木星野有兵相
攻 填星所在歲星從之伐者利 荊州占曰歲星所

在填星從之伐者不利又曰歲星土星皆出東方夕入西方百九十日皆正中者兵發東方國勝當入不入反東行九十日正中者當發兵主死人民流亡文曜鉤曰填星與木星合則變謀更事主且失勢石氏曰地侯與攝提所合之宿大戰不勝亡地主死甘氏曰歲星

土星合則為內亂

按宋書天文志曰晉光熙元年九月填星犯歲星是時司馬越專權終以

無禮晉簡文帝咸安二年正月己酉歲星犯填星在須女七月帝疾甚詔桓溫曰少子可輔則輔之不可輔君自取之願侍中王坦之毀手詔改使為王導輔政故事溫聞之大怒將誅坦之等內亂之應也安帝義熙七年

丁卯歲星犯填星在參邊時朱齡石寇蜀蜀民人尋反又討滅之

郝萌曰歲星與填

星合於張者則太陽晝太陽晝者天必有變不傷為政者則害于民 又曰井泉高而平原出雲歲不調和貴人多內亂有大水 又曰天下易令民流千里魚鱉死于陸道民憂盜賊 又曰歲星與土星合不過十日離十日不離天禍且降不義者乃合之其禍甚久 天官書曰填星與木合亂饑生勿用戰必敗 荊州占曰歲星與填星同舍相去三尺以內相守二十日以上至百

九十二日其國更王立王天下大爭大臣相殘王者易
統天下存亡半其守夕逆行而復相守以所近之宿位
當之相守一年期三年 歲星填星合以合日占其國
色蒼為水赤為兵黃為旱白為喪 歲星與填星合其
國熟若主吏死 填星與歲星合相犯為內亂不可舉
用兵土在木下利為主人土在木上利為客六十日不
下其國凶失地 填星與歲星合一舍歲星在下填星
在上名曰雌雄間客軍大破主人勝在下六十日不下

必有空邦徙主填星為雌歲星為雄 填星與歲星合
為飢為旱為兵填星與歲星合有軍在外戰不勝失地
巫咸曰填星與歲星鬪不出其年王者亡地將軍死
之荊州占曰歲星與填星鬪此謂離德不出三月必
有亡國 歲星逢填星曰鬪先作事者敗兵起必受其
殃歲星填星數合鬪使客接道冠蓋相望其下國哭泣
期不出六十日歲星填星鬪其色青為喪赤為兵白為
旱黑為水潦 填星與歲星合鬪有軍必戰無軍起兵

土木交行必有破傷

歲星與太白相犯三

巫咸曰太白犯木星為飢期三年

按宋書天文志曰晉孝武太元十年十二

月己丑太白犯歲星是時河朔
未一連兵在外冬大飢之應

荊州占曰太白犯歲

星為旱為兵若環繞與之并光有兵戰破軍殺將石

氏曰太白與歲星相犯而有滅者諸侯相滅所宿之國

受之 甘氏曰歲星干金星軍再死再生殺大將荆

州占曰太白入木星次中君賊死 海中占曰太白出

歲星北客利歲星出太白北主人利 荊州占曰太白

環繞歲星有亡主 甘氏曰太白與歲星並太白在南

歲星在北名曰北牡相承五穀成熟太白在北歲星在

南年或有或無歲不熟飢

晉灼曰歲星陽太白陰故曰北牡又曰太白在歲星南以

兵飢在歲星北以水飢一曰有亡國

又曰歲星太白相去尺若不能天

下有兵不出四旬中戰色青則東方勝赤則南方勝黃

即中央勝白則西方勝黑則北方勝 歲星所在太白

從之伐者利有功太白所在歲星從之伐者不利無功

歲星與太白相遇有兵兵罷 太白與歲星過木金
也命曰伐其野戰入太白中次中大將必死 太白歲
星俱出東方若并入西方王者亡地 洪範傳曰金木舍
於觜為白衣之會 黃帝占曰歲星與太白合為飢為
疾為內兵 文耀鉤曰太白與木合光大戰不勝兵雖
起不成 天官書曰不鬪合相毀野有破城 荊州占
曰歲星太白合光所合之野謀兵其相環也乍居西乍居
東有逐相兵起不戰 又曰歲星犯太白為誅死外將

軍慎之無將軍不出四十日拜將軍期九十日 歲星

與太白同光殺大將相去一尺天下治兵不出四十日

石氏曰太白與歲星合于一舍西方凶歲星出左有

年出右無年合之日以知五穀之有無

陳卓曰甲乙為麥丙丁為黍戊

己為粟庚辛為

稻士癸為豆

巫咸曰太白與木星合有白衣之會

為水 荊州占曰歲星與太白合為喪歲星與太白同

舍相去三尺以內七寸以外金木不當同舍七日以上

王者誅將軍其歲星往犯太白為誅死國有將軍慎之

乘犯於外官之中則外將軍慎之乘犯於內官之中內
將軍慎之其國無將軍而犯太白不出四十日拜將期
九十日歲星與太白合於東方名曰牝牡歲星在北太
白在南陰陽和為年豐太白歲星合於西方木在金位
命曰伐其國凶為白衣之會木在金北年不熟 歲星

與太白合其分兵起

按宋書天文志曰魏明帝太和四年十一月壬戌太白犯歲星五年

三月諸葛亮以大衆寇天水遣大將軍司馬懿拒退之

晉元帝大興元年八月乙未太白又犯歲星三年六月丙辰太白與歲星合永昌元年三月王敦率江荆之衆來次京都大軍拒戰敗績于是殺護軍將軍周顗尚書令

刁協驃騎將軍戴淵又鎮北將軍劉隗出奔四月又殺
湘州刺史燕王承鎮南將軍甘卓晉陽秋曰孝武寧
康二年二月丙申太白犯歲星太元元年九月元帥符
堅屠涼州擄刺史西平侯張天錫冬十月車騎桓伊遣
軍汎舟淮泗以救涼州又發二州員吏移積流民悉置
淮南太元五年辛卯歲星與太白相犯於東井十二月
元帥符堅
國襄陽

荊州占曰太白居易歲星南南國敗居歲星

北北國敗 歲星出隨太白於西方相遠天下無兵

太白與歲星合未至太白從歲星疾主人急憂失城歲

星從太白疾客急 太白與歲星合其國有謀兵一曰

金木合於一舍其分有蝗太白與木星會相去五尺戰

三尺有破軍二尺拔國光芒相及大亂其分民飢兵起
司馬彪天文志曰歲星與太白鬪其野有破軍國有
內亂 荊州占曰歲星與太白鬪西方八日兵起不則
八歲兵起有流血其下 黃帝占曰太白與歲星鬪強
國易相 石氏曰太白與歲星鬪所在之國有內亂

文耀鉤曰太白與歲星鬪將軍殺若軍在外破軍殺將
有夷狄害 巫咸曰太白與歲星鬪名雄無戈兵 太
白與木星合鬪兵在外為亂 荊州占曰太白與歲星

鬪相亂有滅諸侯人民離其鄉一曰民多死者 歲星
逢太白曰鬪有土功歲旱天下大飢先舉兵不勝必受
其殃 太白與歲星合鬪於東方有兵于外必有戰鬪
於西方必有亡國死王白衣之會

歲星與辰星相犯四

司馬彪天文志曰辰星犯歲星為兵 荊州占曰辰星
與歲星合而犯之為隕霜若合而鬪其國亂 歲星與
辰星合相去七寸而交芒相接七日以上至二十日天

下民流水泉涌出期三年一曰有女喪 郝萌曰歲星

干辰星冬泄疾 荊州占曰歲星掩辰星客將死期不

出其年 黃帝占曰歲星與辰星合則為變謀而更事

國多水民飢 荊州占曰歲星與辰星合舍相去三尺

相守七日以上其國君臣俱和道德相生期百八十日

有衣榮 歲星與辰星合先起兵者凶後起兵者吉

辰星與歲星合其分有水兵飢並起 甘氏曰歲星與

辰星合鬪軍在外則有戰兵兵不在外為內亂 郝萌

曰歲星辰星鬪滅之殺大將薄之貫之殺偏將 荊州
占曰歲星與免星鬪將軍死期一年

唐開元占經卷二十

欽定四庫全書

唐開元占經卷二十一

唐 瞿曇悉達 撰

五星占四

熒惑與填星相犯一

巫咸曰熒惑犯填星兵大起

按宋書天文志曰晉穆帝
升平二年八月戊午熒惑

犯填星三年十月諸

葛攸舟軍入河敗績

荊州占曰熒惑與填星合而犯

大將軍為亂若守之女主凶期三年 司馬彪天文志

曰熒惑犯填星大人忌 春秋緯曰熒惑干填星大旱
荊州占曰熒惑入填星中將軍為亂 文耀鉤曰主
喜不失政則熒惑與填星相扶 荊州占曰熒惑去填
星而復歸環繞之不出六年中國亡主又曰為獄事

石氏曰熒惑與填星會主走出 巫咸曰熒惑與土合

是謂內亂

班固天文志曰土與水合為壅沮

晉灼曰水性壅

而弱土故曰壅沮一曰壅填也

不可舉事用兵又曰國亡地

郝萌曰

熒惑與填星合其國爭者坐之又曰熒惑與填星環繞

之不出三年天子失位又曰熒惑與填星合女子坐之

文耀鉤曰填星與火合則大旱陽行害又曰火與土

合憂主孽祥 石氏曰填星與火合大人惡之 海中

占曰填星與熒惑合女子為天下害 郝萌曰填星與

熒惑合為禍喪其國不可舉事用兵必受其殃

按司馬彪天文

志曰孝順帝漢安二年六月乙丑熒惑光芒犯填星明年八月孝順帝崩孝冲即位明年正月又崩 荆

州占曰填星與熒惑合土在火上他兵加之必有尅土

在火下各不動者名曰子母同光其國得地猛強若同

上下民有逆心其分兵起更王 石氏曰地侯與熒惑

所合宿戰不勝國飢

按宋書天文志曰宋武大明五年正月火土同在須女占曰女主惡

之三月孝穆皇
后崩此其應也

石氏曰熒惑從填星聚于一舍名曰

大陽其下國且有重德致天下期在十年 文耀鉤曰

熒惑與土鬪則子弟亂 巫咸曰填星與熒惑鬪不出

其年有亡國 郝萌曰熒惑與土合鬪兵起近期十五

日中期三十日遠期六十日 荊州占曰填星與熒惑

合鬪必有叛臣為亂有兵起期不出二年又曰熒惑與

填星鬪不出三年有亡國 又曰熒惑與填星鬪王者
亡地將軍死之 又曰填星與熒惑合相守主以孽為
憂其下國失地若有圍邑 又曰熒惑與填星相守為
憂喪 石氏曰熒惑守填星旱一曰兵大起

熒惑與太白相犯二

荊州占曰熒惑與太白相犯大戰太白在熒惑南南國
敗在熒惑北北國敗 文耀鉤曰熒惑從太白軍憂離
之軍却出太白之陰有分軍出其陽有偏將之戰當其

行太白逮之破軍殺將 荊州占曰熒惑太白相犯為

兵喪為逆謀 甘氏曰熒惑于太白草木傷華妨政石

氏曰熒惑與太白會為鑠 荊州占曰太白熒惑合去

之一尺曰鑠其下之國不可舉事用兵必受其殃 荆

州占曰熒惑入太白將軍戮 海中占曰與熒惑合金

從火有兵罷火從金兵大起

按張璠漢紀曰初王師敗於河陽欲浮河東下太史

令王立曰春太白犯填星于斗過天津熒惑又逆行守北河不犯也由是遂渡北河將自軹關東出立又謂宋

開鄧艾曰太白守天關與熒惑會金火交金革之象也漢祚終矣晉魏必有興者後立數言于帝曰天命有去

就五行不常旺代火者土也承漢者魏也能安天下者曹姓惟委任曹氏而已公聞之語立曰知公忠于朝廷然天道深遠幸勿多言

荊州占曰太白與熒惑遇是謂金入火

有兵兵罷國安無禍海中占曰熒惑太白合野有破

軍將死

按班固天文志曰孝景後元年五月壬午火金會合于輿鬼之東北不至柳出輿鬼北可五寸

丙戌地大動鈴鈴然民大疫死棺貴至秋止司馬彪

天文志曰孝殤延平元年正月丁酉金火在婁金火合

大人憂是歲八月

辛亥孝殤帝崩

荊州占曰熒惑與太白合主人兵

不勝又曰所合國野有殃二旬四五日兵過其野三旬

四五日兵宿其野三月不去其國亡又曰熒惑與太

白合同舍其分有兵戰相離則軍離

按檀道鸞晉陽秋曰孝武寧康二年

十一月癸酉太白掩熒惑在營室時桓石虔破氐賊姚萇於氶江

又曰熒惑秋與太

白合其國不可以舉兵反受其殃

黃帝占曰熒惑太

白俱入斗不出其年國亂有憂又曰熒惑入東井太白

隨之兵喪並起 郝萌曰熒惑入東井太白隨之將若

相死一曰君死又曰糴貴 荊州占曰熒惑入東井太

白隨之道上多死人 陳卓曰熒惑入東井太白隨之

百川皆溢 韓楊曰熒惑太白接皆赤而芒三十日舍

天津關河不渡諸侯不通其君死之 石氏曰熒惑與
太白相隨西行熒惑舍天門西太白舍天門中一曰舍
天津人主無出國門 荊州占曰太白從熒惑聚于一
舍熒惑在上名曰乘太白其歲多兵不用其國將以武
致天下逆行兵起 石氏曰熒惑太白所守之宿在東
方女勝男 海中占曰熒惑太白中上出破軍殺將客
勝 荊州占曰熒惑入太白中五十日將死 又曰熒
惑與太白相入而不出其國亂有憂 又曰熒惑出

太白之左左軍戰左將勝出其右右軍戰右將勝又曰
出太白之左小戰出太白右去之三尺軍小敗 黃帝
兵法曰熒惑出太白之陰若不有分軍必有他急分大
軍也 荊州占曰熒惑所在太白從之伐不利無功太
白所在熒惑從之伐者利有功 石氏曰熒惑往從太
白聚於一舍太白為失明熒惑赤色而光環繞太白所
守之國大兵起 荊州占曰太白與熒惑遇是謂金入
火有兵罷無徭役又曰太白在熒惑之上所聚之國且

以義致天下若在左右名曰秋兵其國必大敗 又曰
熒惑在太白前後左右成戰客勝 又曰太白出熒惑
之東不出三月兵起又曰太白居易熒惑之後而相及破
軍殺將 又曰太白白上居熒惑上復下居熒惑下有反
者 宋武兵法曰太白熒惑一南一北為死喪 郝萌
曰太白乘熒惑軍敗隨熒惑軍憂 又曰熒惑太白合
而太白起角芒而光居熒惑之上其國且有用兵三十
日不去天下三年兵起六十日不去下有空國死主

荊州占曰太白與熒惑相留十日如去有兵大戰其不滿十日有兵而不戰期不出一年中 又曰熒惑環太白大將死 文耀鉤曰熒惑方行太白環之破軍殺將石氏曰熒惑薄太白亡偏將 荊州占曰熒惑從太白下上抵太白不入軍急不戰又曰熒惑正抵太白不去客將死 又曰熒惑摩太白下破軍主將死 又曰熒惑摩太白有數萬人戰軍敗人主死 又曰太白貫熒惑亡偏將 春秋緯曰熒惑與太白相逢而鬪勝太

白破軍殺將熒惑破人主弱名聞海內 文耀鉤曰熒

惑與金鬪陰不制又曰有戰兵兵不在外為在內

按宋書天

文志曰晉惠帝永寧二年十月熒惑太白鬪于虛危十二月熒惑就太白于營室初齊王冏定京都固留輔政遂專傲無君是月成都河間長沙王討之冏又交戰攻焚宮闕同兵敗夷滅又殺其兄上將軍實以下二十餘人也 巫咸曰太白與熒惑鬪不出其年兵起 又曰太

白與熒惑春鬪歲旱夏鬪不出其年易相秋鬪不出其
年兵起冬鬪不出二年有喪 荊州占曰熒惑與太白
相過而鬪不勝有憂 又曰太白與熒惑鬪大將戰死

又曰熒惑與太白鬪諸侯王有喪若離國若多口舌
有內疾人民尚伐好戰殺大將歲大飢 又曰熒惑與
太白鬪不出三年易相 又曰春太白與熒惑鬪亡君
之戒也夏鬪不出三年名山破冬鬪不出其年有大喪
一曰女喪 郝萌曰熒惑守太白北太子終若皇子終
守其南嬖人死若季子死居東西亦然若相死皆期三
月 荊州占曰太白與熒惑相守其間容斧血滿其野其
間容矛有血流久相守血盈滿

熒惑與辰星相犯三

劉向洪範傳曰火水合於斗不可舉事用兵必受其殃

按洪範天文星辰變占曰漢景帝初元年十一月熒惑與辰星合于斗後三年吳王濞變七國同舉兵反漢太尉周亞夫敗之

荊州占曰熒惑與辰星秋合有兵冬合有喪

又曰熒惑與兔星合東方兔星白而火兵在外削地
為和又曰熒惑與辰星合大水交行其國不可以先起
兵合於東方臣謀其王合於西方不出九十日其國宮
中有事 又曰熒惑與辰星合於尾箕其國大臣凶春

夏為兵秋冬為喪凶 郝萌曰熒惑與辰星在尾箕相

近天下將大赦 又曰熒惑與辰星處虛北冬雷雨水

流忌甲子 石氏曰熒惑與辰星合為水必飢舉事用

兵有內亂 又曰熒惑與辰星相去三尺大人當之一

曰天下大赦 又曰免星與熒惑會冬為刑他時為淫

晉灼曰火入水故曰淫也

其下之國不可舉事用兵必受其殃

天官書曰

為喪 甘氏曰免星干火星雨電上即妨太子嬖人下即

妨太尉司馬 荊州占曰辰星與熒惑合而相守水火

亂行國有兵喪若不有兵疾疫流行

按班固天文志曰
孝景五年四月乙

巳水火合於參其

年四月梁孝王死

荊州占曰免星與熒惑合其國大

旱赤地千里又為飢將行舉事大敗有覆軍殺將 陳

卓曰免星與熒惑合其國主出走 又曰熒惑所在辰

星從之伐者利有功辰星所在熒惑從之伐者不利

又曰熒惑與辰星相過是謂不祥不可用兵命曰自伐

一曰野有兵不戰兵在外亦罷 文耀鉤曰辰星抵觸

熒惑展轉復離而合河漂山天雨蛤國主哭於宮 荆

州占曰熒惑薄辰星抵之貫之殺偏將 文耀鉤曰熒惑與水鬪則以暴敗 班固天文志曰火與水合為北軍角 荆州占曰火與水合鬪女子為天下害 又曰熒惑與辰星鬪相毀敗也則有外兵不即內亂其國鬪東方臣伐王鬪西方期九十日強國宮中有亂 又曰熒惑與辰星鬪辰星滅將死又曰熒惑與辰星合鬪其國內亂有兵起其分凶

唐開元占經卷二十一

欽定四庫全書

子部

唐開元占經卷二十六

詳校官中書臣李采

靈臺郎臣倪廷梅覆勘

總校官編修臣王熙緒

校對官庶吉士臣潘曾起

謄錄監生臣任楫文

欽定四庫全書

唐開元占經卷三十二

唐

瞿曇悉達撰

五星占五

填星與太白相犯一

石氏曰太白干填星敗殃五穀不熟惟饑之亡 文耀

鉤曰填星與金合則為白衣會 春秋緯曰填星與金

合為水 石氏曰地侯與太白合所合之宿國亡地

荊州占曰填星與太白合太白在填星南名曰牝牡年穀熟在填星北歲徧無饑 又曰填星與太白合一舍太白在上填星在下名曰并光逆也不出三年有兵民流 又曰填星與太白合在金北去之七寸母子同光義讓而行年穀登人主壽 又曰填星與太白合相守為兵饑疾疫不出三年下有流民 石氏曰填星與太白俱入營室中天下且有謀兵 郝萌曰填星與太白合斗光芒相接相為亂 甘氏曰太白與填星合為疾

為內兵

案宋書天文志曰晉惠帝光熙元年十二月癸未太白犯填星是後河間王為東海王越所殺

明年正月東海王越殺諸葛玖等五月沒桑破馮嵩殺東燕王八月荀晞大破沒桑穆帝永和十二年七月丁

卯太白犯填星在柳七度其年八月桓溫破姚襄於伊水定周之地

荊州占曰太白與

填星合填星色蒼為春多死亦為兵黃為旱 又曰太

白在填星北一尺女主不用事在填星南一尺女主死

又曰太白環繞填星將治兵必增土 焦延壽曰填

星與太白俱出國得地 荊州占曰填星太白相近數

十日間不相去有奸太后者 文曜鉤曰主任恣則太

白觸填星 荊州占曰填星干太白水草木死 文曜

鈞曰太白觸填星發大兵相殘賊 巫咸曰太白與填

星閭期九十日其君憂王者亡地若有兵與喪更立王

公 荊州占曰填星與太白合閭臣謀主有兵起其國

失地

填星與辰星相犯二

荊州占曰填星干辰星冬虹雷行夏寒雨雹隕霜 甘

氏曰水干土夏寒而雨雪妨女主 荊州占曰辰星犯

填星夏多寒霜秋多淫雨女主見放一曰女主有憂

石氏曰地侯與免星合於東方免星色白而大天下有兵於外裂地相賂為和五行傳曰漢文帝後七年

十一月戌戌填星辰星合於危齊分占曰為壅沮若得水為懷所當之國不可舉事用兵必受其殃將有覆軍後三年齊王舉兵應吳楚吳楚敗而自殺之應也天

官書曰土與水合為壅閼有覆軍其國不可舉事出亡

地入得地

謂所出宿所入宿也

又曰土與水合則變謀而更事

文曜鉤曰兔星與填星合內亂饑勿用戰 石氏曰浼

星與填星合為壅沮所當之國不可舉事用兵必受其殃

甘氏曰兔星與填星合有敗軍死將 海中占曰辰

星與填星合在虛中秋水出

案檀道鸞晉陽秋曰孝武太元五年七月丙子辰星

犯填星冬十月丹陽平陵義興水災六年六月揚荊州江大水

郝萌曰辰星與填星

合有陰謀者 又曰辰星與填星合虛中齊國地動

荊州占曰辰星出而與填星會主令不行 石氏曰辰

星 填星會者國有土功田役非法奸臣所為誅之吉

郝萌曰填星所在辰星從之伐者不利 荊州占曰
辰星所在填星從之伐者利有功 又曰填星與辰星
為雌雄俱入之宿其國得地俱出之宿其國失地 黃
帝占曰填星與澆星鬪東方臣伐君鬪西方期九十日
強國宮中有亂事 荊州占曰填星與辰星合鬪軍在
外必戰無軍為內亂 又曰辰星與填星合鬪其國有
兵水土相從關梁不通其分亂

太白與辰星相犯三

石氏曰太白干辰星西方有人東方大虛有殃及匹夫
甘氏曰辰星干太白魚不為化 荊州占曰太白出

東方辰星出其下謂在太白東方太白出西方辰星出
其後謂在太白西方太白辰星以初出為先後 又曰

太白出東方辰星亦出東方太白先出辰星後出辰星
上過太白而去臣倍其主者不出其年 又曰太白辰

星同日出於東方東方有兵同日出於西方西方有兵
天官書曰辰星不出太白為客其出太白為主

荊州占曰太白辰星更迭出入以為主客太白出而辰星不出太白為客辰星出而太白不出辰星為客而金水俱不出熒惑為客無主人有兵雖盛不合戰黃帝兵法曰太白與辰星俱出東方西方國大敗俱出西方東方國大敗若客主人俱出軍在東方東方軍敗在西方西方軍敗言其表面軍也在表者不善不獲已軍堅守可也石氏曰辰星與太白俱出東方皆赤而角倍海國大敗中國大勝其與太白俱出西方皆赤而角中

國大敗倍海國大勝

倍海國夷狄也

一曰皆黑色水國利荆

州占曰太白辰星俱出東方俱出西方客主相見有軍

必戰無軍起軍

又曰太白出辰星右走居太白前主

人小利逐入之主大利太白出辰星左走居太白前客

小利逐入之客大利留有兵兵罷 又曰太白出辰星

北客利辰星出太白北主大利并出東方利以西伐并

出西方利以東伐 又曰太白出辰星居其後二十日

兵起辰星居其前十五日兵罷居其右去之三尺有軍

必戰客將死居其左兵

闕

一人吏死

又曰辰星居太白

前則兵罷居後則兵起居陽則利客居陰則利主人

石氏曰辰星居太白前旬三日軍罷出太白後兵起

荊州占曰太白與辰星遇太白避之主人畏客又曰天

下有兵太白在東方辰星居其前而不去十五日若二

十日而入陰兵滅不大戰辰星去兵罷又曰天下有兵

辰星在西方居太白之前十五日若二十日而入陽兵

滅客去又曰天下無兵辰星太白俱出西方辰星居太

白之前相近間可械劍

蘇林曰械音函函容也其間可容一劍也

在酉北陰

國有兵謀在酉南陽國有兵謀其不相近兵官有滅者

郝萌曰太白辰星在酉北北國之事也在酉南南國

之事也正在酉則中國之事也正在卯則陽國之事也

荊州占曰有軍太白辰星俱出一方同面異宿客主

人來會敵軍雖近勢未戰宿乃逐不同合各自罷又

曰有軍太白出東方辰星出西方若太白出西方辰星

出東方格野雖有兵軍不戰石氏曰辰星出而與太

白不相從雖有軍不戰 海中占曰辰星與太白合東方天下兵大起盛而不戰裂地相賂為利 甘氏曰辰

星與太白合為變謀為兵憂

班固天文志曰孝景元年正月癸酉金水合於婺女

其三年吳楚膠西膠東菑川濟南趙七國反軍敗散走又宋書天文志曰孝武大明三年四月金水合於西方

時竟陵王謀反遠羽林軍攻戰其應也

荊州占曰太白與辰星相去二

尺若一尺破軍殺將其從前大病從旁小病與太白相薄戰其先起兵凶 又曰辰星與太白不相近三四尺於東方辰星二十日不入至三十日東南國有兵不戰

期至春夏有兵 又曰辰星與太白不相近於西方二十日至三十日辰星不及入西方北國有兵 又曰辰星與太白相近三尺四尺於西方二十日至三十日軍戰辰星相遠不戰 郝萌曰辰星隨太白於西方天下無兵兵起期六月天下有兵客利相去間可四尺客兵愈相遠不戰兵軍未解辰星退而罷 郝萌曰太白與

辰星合邊有兵

司馬彪天丈志曰孝殤元興元年閏七月辛亥水金二星合於一舍其年遼東誦

人反抄六縣發上谷漁陽右北平遼西馬桓討之

石氏曰太白辰星聚於一

舍天下小旱其下之國必以重德致天下守之三十日
不去其草木皆傷五穀滅亡 陳卓曰太白與辰星舍
箕用事者坐之 洪範傳曰金水合婺女有變謀為兵
憂 二十八宿山經注曰太白辰星同守昴不出百日
趙君為人所囚大臣相戮 荊州占曰太白與辰星合
太白為主人辰星為客則有兵戰客勝若辰星環繞太
白大戰主人偏將死抵太白山主人大將死 又曰太白
出辰星從之急相去一尺兵起大戰光芒相及若摩之

其下有數萬人戰客勝主人軍敗 又曰辰星隨太白

於西方環繞居抵太白居酉北則陰國起兵居酉南則

陽國起兵期六月兵在外則戰客利 石氏曰辰星來

抵太白不去將死正旗所出破軍殺將客勝

天官書曰不出客亡

地也視旗所指以命破軍 又曰辰星摩太白左大戰主

人與吏死摩太白右萬人戰主人勝 文曜鉤曰辰星

摩太白入相傾

宗伯曰摩謂亢相及也傾壞敗也

巫咸曰太白與浼

星闕不出其年國臣反 天官書曰太白與辰星闕必

有大戰客勝主人與吏死 荊州占曰太白與辰星合
閼有軍在外大戰流血兵在外則有內亂 春秋緯曰
辰星圍太白若與閼大戰過太白間可容劍小戰出太
白右軍急青角兵憂黑角水流 甘氏曰辰星與太白
合閼亢旱 荊州占曰辰星與太白相逢而閼辰星不
勝燕趙代有憂 又曰辰星與太白閼其分有反臣期
不出三年 又曰辰星與太白閼太白分散客軍勝秦
國有憂若辰星分散主人軍勝燕代有憂 又曰太白

環繞辰星若與太白抵觸一尺容劍破軍殺將主人勝
石氏曰免星入太白中五日而出反入而上出破軍
殺將客勝下出客亡地三百里 荊州占曰辰星入太
白中復出人君死 又曰太白守辰星其國君死 又
曰辰星從太白相守其間可械劍有數萬人戰其下

唐開元占經卷二十二

欽定四庫全書

唐開元占經卷二十三

唐 瞿曇悉達 撰

歲星占一

歲星名主一

石氏曰歲星他名曰攝提一名重華一名應星一名經星 天官書曰歲星一名紀星又曰歲星廟也 春秋緯曰春精靈威仰神為歲星體東方青龍之宿 石氏

曰歲星木之精也位在東方青帝之子歲行一次十二年一周天與太歲相應故曰歲星人主之象主仁主義主德主大司農主次相其國吳齊主春日甲乙其辰寅卯所在之邦有福 石氏曰歲星主顏貌怒喜意所欲施行 合誠圖曰歲星主含德 洪範五行傳曰歲星者於五常為仁恩德孝慈於五事為貌威儀舉動仁虧貌失逆春令則歲星為災

案班固天文志曰逆春令傷木氣則罰見歲星雖主

福德見惡逆則怒為殃更重 淮南子曰東方木也

木入

地而生也

其神太皞

天神五帝太皞主東方

其佐勾芒執規而治春

規者

也

其神為歲星其獸為青龍其音角其日甲乙

荊州

占曰歲星主春農官也其神上為歲星主東維又曰主

歲五穀

又曰歲星主司天下諸侯人君之過

天鏡

曰歲星主春蒼帝之子為天布德 石氏曰歲星所在

之國不可伐可以伐人

甘氏曰邦將有福歲星留居

之淮南子曰歲星之所居五穀豐昌其對為衝歲乃

有殃 荊州占曰歲星所居之宿其國樂所去宿其國

饑又曰所從野有慶所去起兵 又曰歲星居次順常
其國不可以加兵可以伐無道之國伐之必剋 又曰
歲星所留之舍其國五穀成熟 石氏曰歲星君之象
也 石氏讚曰歲星象主色欲明潤

歲星行度二

洪範五行傳曰歲星以上元甲子歲十一月甲子朔旦
冬至夜半甲子時與日月五星俱起於牛前五度順二
十八宿右行十二歲而一周天

紫厯法歲星一見三百
六十三日而伏三十五

日一千三百三十分日之一千一百六十二奇四十五
復見如初一終三百九十八日一千三百四十分日之
一千一百六十二奇四十五眾家之說
皆云十二年而一周天准此微為疎矣

河圖雒書曰

歲星日行十二分度之一十二歲而周天出東方以晨
入西方以昏 甘氏曰歲星凡十二歲而周皆三百七
十日而夕入於西方三十日復晨出於東方視其進退
左右以占其妖祥 甘氏曰歲星所居處安靜中度吉
天官書曰歲星出東行十二度百日止反逆行八
度百日復東行 巫咸曰歲星受制則行柔惠進羣賢

封有功出財貨行賑貸禁開闢通障塞無伐木 尚書

緯曰時五紀氣在於春紀可以觀農桑禁斬伐以安國家如是則歲星得度五穀滋矣政失於春星不居其常

樂動聲儀曰角音和調則歲星常應太歲月建以見

則發明至為兵備

發明金精鳥也金既起木又兵象也

荊州占曰歲星

居舍進退如度其國有福王者吉姦邪息 又曰人君

治急歲星行疾緩者行遲刻者行陰道寬者行陽道和

者行中道行陽道者早行陰道者水行中道者陰陽調

和 又曰歲星行正則王者心正行邪則人主心邪行
正者行黃道也行邪者失黃道也 又曰君行寬則歲
星行陽道多旱王者外其心憂在邊臣封寵無功之人
甘氏曰凡歲星所在不可伐假令歲星在寅則其歲
不可東北征利西南西南無年有亂民是為歲星之衝
常受其凶也十二歲皆放此 荊州占曰歲星歲行一
次居二十八宿與太歲應十二歲而周天太陰居維辰
歲星居維宿二太陰居仲辰歲星居仲宿三 淮南子

曰太陰在四仲則歲星守三宿

太陰謂太歲也四仲子午卯酉也假令歲陰在

卯星守須女虛危故曰三宿也

太陰在四鉤歲星行二宿

四鉤謂丑寅為一鉤辰巳

為一鉤未申為一鉤戌亥為一鉤假令歲陰在寅歲星在斗牛故曰二宿也案晉灼曰太陰在四孟四季則歲

行二宿也二八十六三四十十二故十二歲而行二十八宿日

行十二分度之一歲行三十度十六分度之七十二

歲而周 春秋緯曰太陰在亥歲星居角亢太陰在子

歲星居氐房心太陰在丑歲星居尾箕太陰在寅歲星

居斗牽牛太陰在卯歲星居須女虛危太陰在辰歲星

居營室東壁太陰在巳歲星居奎婁太陰在午歲星居胃昂畢太陰在未歲星居背參伐太陰在申歲星居東井輿鬼太陰在酉歲星居柳九星張太陰在戌歲星居翼軫運之常也 甘氏曰歲星處一國是司歲十二名

攝提格之歲

案李巡曰言萬物承陽而起故曰攝提格起也孫炎曰陽攝提提攝萬物使上至

攝提格在寅歲星在丑以正月與建斗牽牛婺女案天官書

與斗牽牛石氏曰在斗牛太初歷曰在營室東壁淮南鴻烈解曰太陽在寅歲名攝提格其雄為星舍斗牽牛

許慎注曰太陰在天為雄歲星在地為太陰

晨出於東方為日十二月

案淮南鴻

烈解曰以十二月與之晨出東方東井與鬼為對
許慎注曰東井與鬼在未斗牽牛在丑故為對也夕入

於西方其名曰監德其狀蒼蒼若有光其國有德乃熟

黍稷其國無德甲兵惻惻其失次將有天應見於輿鬼

天官書曰其歲旱水而晚旱案淮南鴻烈解曰攝提格之歲旱水晚旱稻疾蠶不

登菽麥昌民食四升甘氏曰單閼之歲案李巡曰日在卯言陽氣推萬物而起故曰單

閼單盡也閼止也孫炎曰本單作殫釋曰殫猶申也閼壅之物於此盡申也攝提格在卯歲

星在子與虛危天官書曰與婺女虛危漢書天文志曰太初厯在奎婁晨出夕入

淮南子曰歲星舍婺女虛危以十二其狀甚大有光若
月與之晨出東方柳七星張翼對也

有小赤星附於其側是謂同盟兩國或昌或亡死者不

在其鄉其失次見於張其名曰降入周王受其殃國斯

反服甲兵惻惻其歲大水淮南子曰單閼之歲歲和菽惡蠶昌民食五升甘

氏曰執徐之歲案李巡曰言蟄之物皆敷舒而出故曰執徐執蟄也徐舒也孫炎曰勾者畢達

蟄伏之物盡敷舒也攝提在辰歲星在亥與營室東壁天官書曰以三月與

營室東壁天大志曰太初歷在胃昴晨出夕入淮南子曰歲星合營室東壁以正月與之晨出東方

翼軫為對其名為搏穀天官書曰青章甚章也其國有德必數其狀其

失次見於軫石氏曰失次杓其名曰青章其國不利治兵將有

大喪其歲早早而晚水

淮南子曰執徐之歲早早晚水小饑蚤開麥熟民食三升

甘氏曰大荒落之歲

李巡曰言萬物皆賦茂而大出霍然落落故曰荒落孫炎曰物長大

荒蕪落莫者也

攝提在巳歲星在戌與奎婁胃

天官書曰以四月與奎婁胃漢

天文志曰太初歷在伐也

晨出夕伏

淮南子曰歲星舍奎婁以二月之晨出東方角亢為對也

其

名曰路嶂

天官書謂之踰踵

其狀態色有光其國兵其君增地

其失次見於亢其名曰清明其下出賊死主是歲不可

西北征利東南東南無軍有亂民將有兵作於其旁執

殺其主

淮南子曰大荒落之歲有小兵蠶登麥昌菽疾民食二升也

甘氏曰敦牂

之歲

太陰在午歲名攬搶郭璞曰敦牂淮南子注曰則郎切李巡曰言萬物皆茂狀倚移其枝故曰敦牂敦茂

也牂狀也孫炎曰萬物茂狀也攝提在午歲星在酉與畢昴

天官書曰以五月與

胃昴畢天文志曰太初歷在井與鬼也

晨出夕入

淮南子曰歲星舍胃昴以三月與之晨出東方氐房

心為

其名曰啓明

天官書曰開明一曰天津石氏曰名啓明

其狀態熊若有

光天下偃兵唯利二立王不利治兵其失次見於房

石氏

曰失次杓

其名曰不祥孽及殷王禍及四鄉其歲早早晚水

淮南子曰攬搶之歲歲大旱蠶登稻疾歲麥昌禾為民食二升

甘氏曰協洽之歲

李巡曰在未言陰陽欲和萬物和合故曰協洽和也孫炎曰物生和洽舍英秀也

攝提在未歲

星在中與觜觿參伐

天官書曰以六月與觜觿參天父志曰在張七星

晨出夕

入

淮南子曰歲星含觜觿參以四月與之晨出東方尾箕為對

其名曰張列

天官書曰長列

其狀昭昭若有光其色若赤無有他祥唯利行兵征於

四方仇人不敢治民其失次見于箕其名曰不疑小民

有子持頭相期

淮南子曰惕洽之歲有小兵登稻昌菽麥不為民食三升

甘氏

曰沿灘之歲

郭璞曰沿音湯昆切灘音湯干切李巡曰言萬物皆脩其精氣故曰沿灘孫炎曰沿

灘物吐秀傾垂之貌也

攝提在申歲星在未與東井與鬼

天官書曰以七

月與東井與鬼漢天文志曰太初歷在翼軫也

晨出夕入

淮南子曰歲星舍東井與鬼以五月與之

晨出東方斗其名曰大晉其狀昭昭白色有光有國其牽牛為對

亡亦不在其鄉其失次見於牽牛其名曰小章不利治

兵其國有誅必害其王歲小水雨淮南子曰涸澨之歲歲和小雨行蠶登穀

麥昌民食三升甘氏曰作愕之歲淮南子曰作愕或作噩孫炎曰愕音弩李巡曰在酉

言萬物墜落故曰作愕作索也愕茂也孫炎曰作愕者物落而枝起之貌攝提在酉歲星在

午與柳七星張淮南子曰歲星在柳七星張天文志曰太初以八月與柳七星張

歷在亢晨出夕入以六月與之晨出東方須女虛危為對也其名為長王其狀

作有芒有國其昌書有四方享獻之祥其失次見於虛

天官書曰應見危
石氏曰夫次杓

其名曰大章有旱而昌或為之殃必

在其鄉其歲有火有女喪民疾

淮南子曰作悞之歲有大兵民疾蠶不登菽麥

無穗民食
五升也

甘氏曰閹茂之歲

李巡曰言萬物皆蔽冒故曰閹茂閹蔽也茂冒

也孫炎曰霜閹茂物使俱落也

攝提在戌歲星在巳與翼軫

天官書曰以九月與

翼軫漢天文志曰太初歷在氐房心也

晨出夕入

淮南子曰歲星舍翼軫以九月與之晨出東方

營室壁為對

其名為天睢其狀白色大明其色若青國有大

疾其失次見於東壁

石氏曰夫次杓

其國士卿相謫民人各直

刺無有仇謫鬼神書壁其名曰天侈其歲有小水有女

喪

淮南子曰闕茂之歲小熟有兵
穀不登友不為菽昌民食七升

甘氏曰大淵獻之

歲

李巡曰言萬物落於亥大小深藏屈近陽故曰淵獻
淵藏也獻近也孫炎曰獻萬物於大深謂蓋藏也

攝提在亥歲星在辰與軫角亢

天官書曰以十月與角
亢漢天文志曰太初歷

在尾晨出夕入

淮南子曰歲星舍角亢以十月
與之晨出東方奎婁為對也

其名為

大皇

天官書
曰大章

其狀色玄青天下不寧有歸為政星若耀

而陰出是謂正平利起軍旅其帥必武有德將四國海

內盡服其失次見於婁其名屏營天下盡驚

淮南子曰
大淵獻之

歲有大兵大熟蠶蕃菽
麥不蠹賊民食三升

甘氏曰困敦之歲

郭璞曰敦
音頓李巡

曰在子言陽氣皆混萬物芽孽故曰困敦孫炎攝提在
曰困敦混沌也萬物初萌混沌於黃泉之下

子歲星在卯與氐房天官書曰以十一月與氐房心
漢天文志曰太初歷在建星牽

牛

晨出夕入

淮南子曰歲星舍氐房心以九月
與之晨出東方胃昂畢為對也

其名為

天泉其狀玄色甚明江池其昌不利起兵其失次見於昴

其名曰赤章其國有喪不在其王有水而昌淮南子曰
困敦之歲

大霧起大水出蠶登稻
疾菽麥昌民食三升也甘氏曰赤奮若之歲李巡曰
言陽氣

奮迅萬物而起不若其性故曰赤奮若陽也奮迅也
若順也孫炎曰物萌色赤奮動順其性而氣始芽也攝

提在丑歲星在寅與心尾箕天官書曰以十二月與尾
箕漢天文志曰太初歷在

繫女虛危又曰甘氏太初歷所以不同者以星
盈縮在前後所見也其四星亦各如此者也 晨出夕

入淮南子曰歲星舍尾箕以十月 其名為天昊
與之晨出東方觜觿參為對

點然黑色甚明侯王有慶其失次見於參其名洋有國

其虛其歲早水

淮南子曰赤奮若之歲有小兵早水蠶
不出稻小疾菽不為麥昌民食三升

歲星相王休囚死三

石氏曰歲星之相也從立冬冬至盡其色精明無芒角

甘氏曰歲星之王也立春至春之盡其色比左角大

而蒼有精光而內實仲春時有芒角 歲星之休也從

立夏至仲夏無光明而赤黃 歲星之囚也從仲夏至
夏之盡及四季王時其色當青黑止而不行 歲星之
死也從立秋至秋之盡其色黑而細小不明此歲星之
常也天下大昌 當其相也而有王色主弱臣強有休
色相免有囚色相囚有死色相死所留之舍其國大強
行中度天下和其休相有逆謀不成 當其王而有相
色主弱臣強有休色人主有疾病之憂有囚色大赦有
死色有大喪其進舍也有德令其退舍也有還令其所

守之舍其下有逆德 當其休也而有王色所居之舍
其國受兵有相色其國大臣誅傷有囚色草木傷有死
色禾豆不入稻芋半傷 當其囚也而有王色政令不
行下反其上主聽不聽有相色臣下專政六月下霜有
休色所謀不成有死色誅故貴公卿所居之舍其國有
禍喪 當其死也而有王色則秋榮華有相色枯木復
生有休色有土功有囚色有大喪 荊州占曰歲星王
時當有芒角若無芒角者王者無威勢在臣下

歲星變色世角四

甘氏曰候歲星以春甲乙此王氣當如其常色變則失所也 甘氏曰歲星如左角之狀其色蒼十二芒蒼比

伐左肩赤比心黃比

闕

大角黑比奎大星

巫咸曰歲

星色青白如灰主有憂期五月兵獄大起青多為獄白多為兵青白等兵獄並起 海中占曰歲星色黃得地

焦貢曰歲星主歲色黃澤有年赤而黑無年 天官

書曰歲星色黃赤而沉所居野大穰 荊州占曰君有

德則歲星潤澤光明君無德則歲星細小不明 歲星
黃赤潤澤立竿見影大熟人主有喜歲星始正月受歲
色赤黃潤所居之野大穰其色黃白有爵祿之賞也色
正白人主死草野素服諸侯皆戒當有兵謀不成色白
而圓瘁而不光期三十日有喪 歲星色青白是其常
色赤則主有憂色黃有喜色白為旱喪色黑多疾病一
有水災歲星色青黑期六十日有喪 歲星色黃白歲
穰 歲星色青圓為憂赤圓黑圓病不出三十五日大

喪改服 歲星在春其色當蒼黃而光潤澤其變而白
秋有喪變而赤者夏有兵 歲星赤黃而動期九十日
兵若喪色赤黑侯王憂 歲星失色而黃女后持政期
百八十日失色而青黑不出百八十日有大喪 黃帝
占曰歲星在東方之宿色當青色白而角有怒色赤有
兵色黑有喪色黃白歲大熟 歲星在北方之宿色當
黑色白而角有兵色青有憂色白有怒色黃白歲大熟
歲星在西方之宿色當白色赤而角皆為有兵青為

憂黑為喪亦有怒色黃白歲大熟 歲星在南方之宿
色當赤色白而有角兵青有憂若怒色黑有喜色黃白
歲大熟 文曜鉤曰歲星色亦有角所居之國昌人主
以武強戰無芒角不勝色赤黃以反德豐穰君臣和合
色青白而赤耀其國有乖離之謀大臣發計主有憂懼
鉤命決曰天子失知則黃龍不見歲星五角 平歲
曰歲星赤黃角國有喜 海中占曰歲星色蒼黃吉赤
芒澤有子孫喜立王黃得地白有兵黑有德令 荆

州占曰歲星東行前芒短者欲留之象不出七日留正
見南方芒指卯酉子午者此王者正也指西維者不正
也 歲星西行前芒短者欲留不出三日留 歲星失
色白耀耀圓而揚赤芒王者誅大臣期九十日 歲星
色青而角有水功事 歲星色赤角則犯我城 歲星
角人主有怒 歲星一角七寸外射者大使大臣出期
九十日三角兵誅期六十日 歲星三角芒傷近臣誅
內將相期百八十日 歲星五角王者自出將兵期百

八十日歲星留不行而芒角有長者是星欲行候隨芒角所指如是從之其芒南者星入外宿王者欲遣大使之邊國期九十日芒北入中宿者是王者在外欲還也不出四十日芒在東者欲順行也不出七日行是天子欲出不過五十日則王者出宮其芒在西者欲逆行也不出七十日逆行不出四十日王者誅大臣 歲星芒邪角不正則王者心不正外邪以應外臣內邪以應后夫人 歲星有芒無角則王者心平天下安寧期百八

十日 歲星變色人主有怒若有芒角黑有水青角有
兵白角死喪若無芒角有軍戰不勝 歲星七角又芒
者王者與四方戰期不出一年 歲星九角又芒者殺
賢人誅邊將期一年 石氏曰歲星色白角哭泣之聲
歲星木用事王東方無芒角是王者內弱威不使臣
也五寸以內曰芒五寸以上至九寸曰角 天官書曰
歲星角迎角而戰者不勝

歲星盈縮失行五

五行傳曰歲星超舍而前為盈退舍而後為縮盈其國
有兵縮其國有憂 荊州占曰歲星超舍而前過其所
當舍而宿以上一舍兩舍三舍謂之羸侯王不寧不乃
天裂不乃地動歲星退舍而後以一舍二舍三舍謂之
縮侯王有戚其所去宿國有憂三年有兵若山崩地動
雒書雒罪汲曰歲星當居不居未當去而去不言主
酷暴 詩緯曰歲星無光進退無常此仁道失類之應
文曜鉤曰歲星所居久其國有德厚人主有福不可加

以兵 石氏曰歲星主仁仁失者罰出變見於歲星歲星盈縮故曰罰出此失政也言歲星所以盈縮之宿乃以仁失逆春氣之所致也以其宿命其國聖人觀歲星所盈縮之宿以知仁失之國也 石氏曰其國失義失春政則歲星贏縮贏則其下之國有兵不居復縮則其下之國有憂其將死國傾敗 又曰歲星當居而不居未當去而去若居之又南北東西翔之搖動不留名曰六排皆陰驚其陽臣下勝其主人主有大憂三公之禍

相以所之宿名其官不舍者懦強邦去之者嬖妃雄動

搖者勢不亾期在衡

案左傳曰魯襄公二十八年梓慎曰今茲宋鄭其飢乎杜預注曰梓慎

魯大夫也傳曰歲在星紀而淫于玄枵注曰歲歲星也星紀在丑斗牛之次玄枵在子虛危之次明年當在玄枵今已在玄枵淫行失次也傳曰蛇乘龍注曰蛇玄武之宿虛危之星龍歲星木也木為青龍失次出虛危下為蛇所乘也傳曰龍宋鄭之星也注曰歲星本位在東方東方房心為宗角亢為鄭故以龍為宗鄭之星傳曰宋鄭必饑玄枵虛中也注曰玄枵三宿虛星在其中也傳曰玄枵耗名也土虛而民耗不饑何為鄭裨諲曰今茲王及楚子皆將死歲星棄其次而旅於明年之次以害鳥帑周楚惡之注曰旅客處也歲星棄星紀之次客在玄枵歲星所在其國有福失次於此禍衡在西南為朱鳥鳥尾曰帑鵠火鵠尾周楚之分故周王楚子受其咎經曰十

有二月甲寅天王崩乙未楚子昭卒往又曰歲星去其年宋鄭皆饑則梓慎之占各有其驗也

舍之他舍所去失地所之得地 歲星所居而徙搖前

後左右人主不安 歲星不得其宿其國必亡君 又

曰歲星修仁順則喜逆則怒 甘氏曰歲星所處而不

處其國乃亡既已處之又東西去之其國凶不可舉事

用兵 歲星出入不當其次有天妖見其衝所去國凶

所之國昌 荊州占曰歲星當出不出而去其次凶

淮南子曰歲星當居而不居越而之他處主死國亡

京氏曰樂不興則歲失行 人君不行仁恩破胎傷孕
春殺無辜則星失度不救則弟殺兄臣弑君 班固曰
政緩則歲不行急則過分逆則占 郝萌曰歲星當移
而不移民有憂諸侯四流行不用其道則凶 荊州占
曰歲星當居而不居其國失地未當居而居其國得地
期九十日 歲星當居其國之宿而終宿不居其野亡
歲星未當居而居之當去而不去既已去復還居之
皆為有福 歲星行不至所當舍之宿其國凶又曰不

行其宿其國必亡君 歲星居之安國安居之不安國
不安 歲星一東一西害侯王人主不安一南一北害
於黍稷侯王憂移而北旱移而南大水 又曰南北為
貴賤東西為妖祥 鴻範傳曰佃獵不當飲食不享出
入不時及有姦謀則歲星逆行變色 春秋緯曰好害
盛德則歲星逆行 春政亂者奪民時獵野獸則歲星
逆行 石氏曰歲星順行列宿者天德喜也所守犯中
外官皆吉有暴貴者星逆行不欲犯列宿中外官者皆

誅 歲星逆行其國不可以興兵星順兵宜進星逆兵

宜退 巫咸曰歲星亂行五穀不實草木秋英 天鏡

曰歲星逆行不軌為殃賊 焦氏曰歲星逆三月二月

有害乃行三舍以上則為害 郝萌曰歲星之行當遲

而疾失一次以上至二次則人主驚走社稷危亡天下

兵起民去其土死者如丘陵 荊州占曰歲星犯守錯

逆其國殃咎若守之滿六十日災必應 歲星變色亂

行主無福

案宋書天文志曰晉簡文咸安二年五月歲星形色如太白占曰進退如度姦邪息變色亂

行主無福歲星自於仲夏當細小而明此其失常也又為臣強七月帝疾甚詔桓溫曰少子可輔者輔之如不可輔君自取之賴侍中王坦之毀手詔使如王尊輔政事溫聞之大怒將誅坦之等是月帝崩王者不行春令興土功作宮室築城隍治溝瀆而奪民時百姓怨嗟則歲星盈當縮順而逆水旱不時當出不出變為妖彗所見之邦大兵起國破主亡王者行義起宗廟立無後賑貧窮存孤寡省刑獄賞有功舉隱伏禮賢良發庫藏罷徭役寬賦歛則星順度無咎矣人君宰相之治也春不勸農民耕種通溝渠治城郭而奪民時百姓

怨謗則歲星盈縮逆行變色而天雨不時有大旱與水
其無救即天掊出出則殃起主農官及用事者憂君行
急則歲星行陰道行陰道多水潦王者內其心思在親
戚功臣不錄 歲星行疾而遲不及其次至二次人主閭
昏國絕嗣女后持政大夫不服民賊不禁 歲星逆行
變色其國逐功臣殺太子人主以妾為妻內亂親戚
歲星逆行不可以戰凶其所去國五穀皆貴 君治逆
則歲星逆逆行入陰道者內事逆逆行入陽道者外事

逆君治逆不止則星逆行不止 海中占曰主好陰謀
侵凌諸侯急兵革則歲星逆行

歲星畫見六

甘氏曰歲星畫見臣謀其主國相有憂及死有白衣事

宋書天文志曰晉惠帝永寧二年四月癸酉歲星畫見
占曰為臣強初齊王問定京都因留輔政遂專傲無君
十二月成都河間長沙王又討之交戰及焚宮闕國
兵敗夷滅之殺其兄上軍將軍寔以下二十餘人

晉陽秋曰孝武太元十一年六月甲午歲星畫見在胃

占曰魯有兵臣強十二月慕容釗寇河東崔遼使子寇

陳穎朱序遣討之釗走渡河

歲星變異大小七

龍魚河圖曰夫歲星主德慶其神下為大乙之神 巫咸曰歲星下為壯男止於田野 漢武故事曰西王母遣使謂上曰求仙而先殺戮吾與帝絕矣又致三桃食此可得極壽使至之日東方朔死上疑之問使者曰朔是木帝精為歲星下遊人中以觀天下非陛下臣也上厚葬之一本云朔死乘雲飛去仰望大霧望之不知所

在朔在漢朝天上無歲星 二十八宿山經注曰歲星
為四彗出於奎婁則邦豐熟和平 考靈耀曰政失於
春歲星滿偃不居其常 石氏曰歲星德也人主之象
其角反動乍小乍大若色數變人主有怒又天官書曰
人主有憂 巫咸曰歲星大其常且賦歛不常民饑
歲星小民且多疾牛馬疫死 天官書曰歲星大即為
嘉 荊州占曰歲星始出大而日愈小者所居之國耗
歲星始出小而日愈大者所居之國利 歲星行宿

大而明內實天下安寧小而內虛其國不安主有憂

歲星流與列星闕八

甘氏曰歲星流主死失地 巫咸曰歲星沉浮國亡有
土功爭又曰有憂沉數日不見國亡乍見乍不見國憂
喪 天官書曰歲星出如浮而沉其國有土功如沉而
浮其野亡浮者見之沉者伏之 荊州占曰歲星變色
逆行相凌而闕舍合留舍環守其國無道

歲星穰氣自暈九

黃帝占曰歲星生氣而為青穰者明日大寒小雨見此者黃魚鹽貴不出三旬 孝經內記曰歲星生氣為青穰者明日大寒小雨見此者魚鹽大貴不出三旬皆可再倍貴不過二十日止所見之國傷苗少實天下有一歲十饑見者不出其年富民從其故鄉王者不安大臣坐事不出二年天下無布練貴練絮四倍萬民大寒郝萌曰歲星出穰長三尺三日雨若不雨大霧 甘氏曰歲星自暈有喪

唐開元占經卷二十三